

საქართველოს ეროვნული ბანკი

სატენდერო დოკუმენტაცია

საქართველოს ეროვნული ბანკის შენობის
გათბობის სისტემის რეკონსტრუქციის
სამუშაოების შესყიდვა
გამარტივებული ელექტრონული ტენდერის
საშუალებით

(კლასიფიკატორის დანაყოფი 50700000)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

ქ. თბილისი
2016 წელი

სარჩევი

ინსტრუქცია ელექტრონულ ტენდერში მონაწილეობის მისაღებად.....	3
1. ტენდერში მონაწილეობის უფლება	3
2. ტექნიკური დოკუმენტაცია	3
3. საკვალიფიკაციო მონაცემების დამადასტურებელი დოკუმენტები.....	4
4. შესყიდვის ობიექტის ტექნიკური და ხარისხობრივი პარამეტრები.....	4
5. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:.....	5
სახელმწიფო შესყიდვების შესახებ ხელშეკრულების პროექტი	6

ინსტრუქცია

ელექტრონულ ტენდერში მონაწილეობის მისაღებად

1. ტენდერში მონაწილეობის უფლება

1.1. ტენდერში მონაწილეობის უფლება აქვს ყველა დაინტერესებულ იურიდიულ და ფიზიკურ პირს, რომელიც გაცნობილია და ეთანხმება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნებს და არ არის შეყვანილი შესყიდვებში მონაწილე არაკეთილსინდისიერ პირთა რეესტრში („შავი სია“).

2. მოთხოვნები, რომელსაც უნდა აკმაყოფილებდეს მიმწოდებელი ტენდერში მონაწილეობის მისაღებად

2.1. მიმწოდებელს უნდა გააჩნდეს გათბობის და ვენტილაციის სისტემების მონტაჟის გამოცდილება უკანასკნელი ორი წლის განმავლობაში.

3. ტექნიკური დოკუმენტაცია

3.1. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- 3.1.1. ინფორმაცია 2.1 პუნქტში მითითებული გამოცდილების შესახებ შემსყიდველის და სამუშაოს შესრულების წლის მითითებით;
- 3.1.2. პრეტენდენტის სრული რეკვიზიტები (დასახელება, იურიდიული და ფაქტიური მისამართი, ხელმძღვანელის თანამდებობა, სახელი და გვარი, ტელეფონის ნომერი, ელ. ფოსტის მისამართი, საბაკო რეკვიზიტები);
- 3.1.3. ხარჯთაღრიცხვა. ხარჯთაღრიცხვა შედგენილი უნდა იყოს საქართველოს მთავრობის 2014 წლის 14 იანვრის N55 დადგენილების (ტექნიკური რეგლამენტის - "სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის" დამტკიცების შესახებ) შესაბამისად.

3.2. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაცია და სატენდერო წინადადების ფასი) წარდგენით პრეტენდენტი ავტომატურად ადასტურებს, რომ შესყიდვის განხორციელების მთელი პერიოდის განმავლობაში, იგი იმოქმედებს „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და გამოხატავს თანხმობას ამ პუნქტის 3.2.1 - 3.2.8 ქვეპუნქტებში განსაზღვრულ და სახელმწიფო შესყიდვების ხელშეკრულების პროექტის მოთხოვნებზე.

3.2.1. სამუშაო და გამოყენებული დანადგარები და მასალა სრულად უნდა შეესაბამებოდეს მე-5 პუნქტში მოცემულ მოთხოვნებს.

3.2.2. პრეტენდენტის მიერ წარმოდგენილი ტექნიკური დოკუმენტაციის თითოეული დოკუმენტი დამოწმებული უნდა იყოს უფლებამოსილი პირის

ხელმოწერით და ბეჭდით (მისი არსებობის შემთხვევაში).

- 3.2.3. ტექნიკური დოკუმენტაცია შეიძლება წარმოდგენილი იყოს, როგორც ქართულ, ისე უცხოურ ენაზე. დოკუმენტების უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული თარგმანი ქართულ ენაზე.
- 3.2.4. ფაქტიურად შესრულებული სამუშაოს ღირებულების ანაზღაურება მოხდება არაუგვიანეს 20 (ოცი) სამუშაო დღისა შესაბამისი მიღება-ჩაბარების აქტის გაფორმებიდან და საგადახდო დოკუმენტების (ანგარიში, ფაქტურა, ინვოისი) წარმოდგენიდან (იმისდამახდებით, რომელი უფრო გვიან მოხდება).
- 3.2.5. სატენდერო წინადადების ფასი უნდა მოიცავდეს ამ ტენდერით გათვალისწინებული სამუშაოს სრულყოფილად შესრულებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
- 3.2.6. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.
- 3.2.7. აღნიშნული დასაბუთების წარუდგენლობა ან შეუსაბამობა სატენდერო განცხადებასთან, სატენდერო დოკუმენტაციასთან ან/და სისტემის მეშვეობით პრეტენდენტის მიერ წარმოდგენილ ტექნიკურ დოკუმენტაციასთან, გამოიწვევს მის დისკვალიფიკაციას „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის „ა“ ქვეპუნქტის საფუძველზე
- 3.2.8. პრეტენდენტს არა აქვს უფლება წარმოადგინოს ალტერნატიული წინადადება.

4. საკვალიფიკაციო მონაცემების დამადასტურებელი დოკუმენტები

- 4.1. საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტს არ მოეთხოვება.

5. შესყიდვის ობიექტის ტექნიკური და ხარისხობრივი პარამეტრები

- 5.1. შესყიდვის ობიექტი: საქართველოს ეროვნული ბანკის შენობის გათბობის სისტემის რეკონსტრუქციის სამუშაოები, მისი წარმადობის გაზრდის მიზნით.
- 5.2. ძირითადი სამუშაოები მოიცავს:
 - 5.2.1. გათბობის მიმწოდებელ მილგაყვანილობაზე არსებული ორი საცირკულაციო ტუმბოს შეცვლა ახალი, უფრო მაღლი წარმადობის ტუმბოებით და გამზომი აპარატურის (მანომეტრი-2 ცალი, თერმომეტრი 2-ცალი) მონტაჟი. ახალი საცირკულაციო ტუმბოების პარამეტრებია:
 - წარმადობა: $V = 12 - 15 \text{ მ}^3/\text{სთ}$;
 - აწევის სიმაღლე: $h = 15 - 20 \text{ მ}$.

- 5.2.2. ცენტრალური სავენტილაციო დანადგარის (EK EUROKLIMAT, მოდელი: EKDM0912H50) გათბობის შემსვლელ მილგაყვანილობაზე 1 ცალი საცირკულაციო ტუმბოს და გამზომი აპარატურის (მანომეტრი-1 ცალი, თერმომეტრი 1-ცალი) მონტაჟი. საცირკულაციო ტუმბოების პარამეტრებია:
- წარმადობა: $V = 7 - 8 \text{ მ}^3/\text{სთ}$;
 - აწევის სიმაღლე: $h = 7 - 9 \text{ მ}$.
- 5.2.3. ცენტრალური გათბობის სისტემის უკუ-დინების მილგაყვანილობაზე არსებული ჩამკეტი ვენტილის დემონტაჟი და 2 ცალი ახალი სფერული ვენტილის (დ=50მმ) და გამზომი აპარატურის (მანომეტრი-1 ცალი, თერმომეტრი 1-ცალი) მონტაჟი.
- 5.3. ძირითადი სამუშაოების სრულფასოვნად შესასრულებლად საჭირო დამხმარე სამუშაოების მოცულობის განსაზღვრაზე, მზომი მოწყობილობებისა და სხვა დამხმარე მასალების ტიპის, მოდელის და ტექნიკური პარამეტრების სწორ შერჩევაზე და ხარჯთაღრიცხვაში ასახვაზე პასუხისმგებელია პრეტენდენტი;
- 5.4. შემოთავაზებული საცირკულაციო ტუმბოები, ვენტილები და სხვა მოწყობილობები და ფიტინგები თავსებადი უნდა იყოს არსებულ გათბობის სისტემასთან და სავენტილაციო დანადგართან და უნდა უზრუნველყოფდეს გათბობისა და სავენტილაციო სისტემის სრულფასოვან და გამართულ ფუნქციონირებას;
- 5.5. არსებული სავენტილაციო დანადგარის ძირითადი პარამეტრები:
- 5.5.1. დასახელება: EK EUROKLIMAT;
 - 5.5.2. მოდელი: EKDM0912H50 FAHU-C
 - 5.5.3. E.T.P. – 1000 პასკალი;
 - 5.5.4. ელექტრომომარაგება (Power Supply): 380V; 50Hz;
 - 5.5.5. ჰაერის ნაკადი (Air Flow): $23000 \text{ მ}^3/\text{სთ}$;
 - 5.5.6. სიმძლავრე გაგრილებაზე (Cooling Capacity): 2251 კვტ;
 - 5.5.7. სიმძლავრე გათბობაზე (Heating Capacity): 249.5 კვტ;
 - 5.5.8. ვენტილატორის სიჩქარე (FAN Speed): 1956 ბრ/წთ;
 - 5.5.9. საანგარიშო ენერგო მოხმარება (Rated Power): 18.5 კვტ;

შენიშვნა: არსებული გათბობის და სავენტილაციო სისტემის დათვალიერება პრეტენდენტებს შეუძლიათ წინადადებების წარდგენის დასრულების ვადამდე მისამართზე: თბილისი, სანაპიროს ქ. 2.

- 5.6. მიმწოდებელს ევალება, აგრეთვე, გათბობის სისტემის გამოცდა და გამართვა;
- 5.7. გათბობის სისტემის საცირკულაციო ტუმბოებისა და მოწყობილობების სრულფასოვანი ფუნქციონირების საგარანტიო ვადა, რომლის განმავლობაშიც მიმწოდებელი ვალდებულია საკუთრი ხარჯებით აღმოფხვრას ყველა გამოვლენილი უწყესივრობა, ან შეცვალოს მოწოდებული დანადგარი შეადგენს 5 (ხუთი) წელს მიღება-ჩაბარების აქტის გაფორმების დღიდან. საგარანტიო პირობების დარღვევის შემთხვევაში მიმწოდებლის მიმართ გამოყენებული იქნება ხელშეკრულებით გათვალისწინებული სანქციები;
- 5.8. სამუშაოს შესრულება უნდა მოხდეს არაუგვიანეს 40 (ორმოცი) დღისა ხელშეკრულების დადებიდან, მისამართზე: თბილისი, სანაპიროს ქ. №2.

6. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

სატენდერო კომისიის აპარატის წევრები:

ზურაბ ღონაძე: ტელ: 2406 369; ელ.ფოსტა: zgongadze@nbg.gov.ge

ნიკოლოზ ჩუხრუკიძე: ტელ: 2406 398; ელ.ფოსტა: nchukhrukidze@nbg.gov.ge

შენიშვნები:

1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge;
2. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ დამტკიცების შესახებ“ მოცემულია საიტზე: www.procurement.gov.ge;

სახელმწიფო შესყიდვების შესახებ ხელშეკრულების პროექტი ხელშეკრულება N

ქ. თბილისი

2016 წელი

შემსყიდველი: ს.ს.ი.პ. „საქართველოს ეროვნული ბანკი“

მისამართი: თბილისი, 0114, სანაპიროს ქ. N2;

საიდენტიფიკაციო კოდი: 203 824 148.

მიმწოდებელი: _____

იურიდიული მისამართი: _____

ფაქტიური მისამართი: _____

საიდენტიფიკაციო კოდი: _____

საბანკო რეკვიზიტები: _____

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (სატენდერო განცხადება № SPA1600____) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს საქართველოს ეროვნული ბანკის შენობის გათბობის სისტემის რეკონსტრუქციის სამუშაოების (შემდგომში „სამუშაო“) შესყიდვა ტექნიკური პირობების და ხელშეკრულების პირობების შესაბამისად (CPV კოდი – 50720000).

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია სამუშაოს შესაბამისობის დადგენა

- ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს შემსყიდველის მხრიდან განახორციელებენ სებ-ის შესყიდვების და ლოჯისტიკის დეპარტამენტის უფროსი.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

3. სამუშაოს მიღება ჩაბარების წესი

- 3.1. მიმწოდებელმა სამუშაოს შემსყიდველისათვის შესრულება უნდა განახორციელოს არაუგვიანეს 40 (ორმოცი) დღისა ხელშეკრულების დადებიდან, შემდეგ მისამართებზე: თბილისი, სანაპიროს ქ. N2;
- 3.2. სამუშაო ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.3. შემსყიდველის მხრიდან 3.2. პუნქტში აღნიშნული მიღება-ჩაბარების აქტის ხელმოწერი პირია სებ-ის შესყიდვების და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული სამუშაოს საერთო ღირებულება შეადგენს _____ლარს („ხელშეკრულების ფასი“).
- 4.2. ხელშეკრულების ფასი მოიცავს სამუშაოს სრულყოფილად შესრულებისათვის საჭირო ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. ფაქტიურად შესრულებული სამუშაოს ღირებულების გადახდა ხორციელდება უნაღდო ანგარიშსწორების წესით.
- 4.4. ანგარიშსწორება ხორციელდება წინამდებარე ხელშეკრულების 3.2 ქვეპუნქტის შესაბამისად სამუშაოს მიღებიდან და მიმწოდებელის მიერ სათანადო დოკუმენტაციის (ანგარიში, საგადასახადო ა/ფაქტურა, ინვოისი) წარმოდგენიდან (იმისდამიხედვით რომელი უფრო გვიან მოხდება) არაუმეტეს 20 (ოცი) სამუშაო დღის განმავლობაში.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული შესყიდვის ობიექტი.
- 5.2. შემსყიდველი ვალდებულია გადაუხადოს მიმწოდებელს ფაქტიურად შესრულებული სამუშაოს ღირებულება ხელშეკრულებით გათვალისწინებული პირობების შესაბამისად.
- 5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული შესყიდვის ობიექტი.
- 5.4. მიმწოდებელს უფლება აქვს შესრულებული სამუშაოს სანაცვლოდ მიიღოს მისი ღირებულება.

6. მხარეთა პასუხისმგებლობა ხელშეკრულების პირობების შეუსრულებლობისათვის

- 6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის, არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 0,5%-ის ოდენობით, დაგვიანების ყოველი დღისათვის, რომლის გადახდა მოხდება მისთვის

ასანაზღაურებელი თანხიდან გამოქვითვის საშუალებით.

- 6.2. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,1%-ის ოდენობით.
- 6.3. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.
- 6.4. იმ შემთხვევაში, თუ საჯარიმო სანქციების ჯამური ოდენობა შეადგენს ხელშეკრულების ფასის 15%-ს მხარეები უფლებამოსილნი არიან ცალმხრივად გაწყვიტონ ხელშეკრულება.

7. გარანტია

- 7.1. მიმწოდებლის მიერ დამონტაჟებული გათბობის სისტემის საცირკულაციო ტუმბოებისა და მოწყობილობების სრულფასოვანი ფუნქციონირების საგარანტიო ვადა, რომლის განმავლობაშიც მიმწოდებელი ვალდებულია საკუთრი ხარჯებით აღმოფხვრას ყველა გამოვლენილი უწყისივრობა, ან შეცვალოს მოწოდებული დანადგარები შეადგენს 5 (ხუთი) წელს მიღება-ჩაბარების აქტის გაფორმების დღიდან.
- 7.2. საგარანტიო პირობების დარღვევის შემთხვევაში მიმწოდებლის მიმართ გამოყენებული იქნება ხელშეკრულებით გათვალისწინებული სანქციები;

8. ხელშეკრულებაში ცვლილების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

- 9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

- 9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

- 10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

- 11.1. ხელშეკრულება ძალაში შედის მისი დადების დღეს და მოქმედებს, 2016 წლის 31 დეკემბრის ჩათვლით.

12. ზოგადი დებულებები

- 12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 12.3. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

*(უფლებამოსილი პირის სახელი, გვარი,
ხელმოწერა და თანამდებობა)*

მიმწოდებლის მხრიდან:

*(უფლებამოსილი პირის სახელი, გვარი,
ხელმოწერა და თანამდებობა)*